

## MME UTOM ANDIKPEME-OBIO

Isaiah 62:1-7; Ezekiel 9:1-7; 33:1-19; Mme N̄ke 22:6; 29:15

### QYQHỌ UKPEP-N̄KPỌ 369

#### Eke Ikpọ Owo

**IKỌ IBUOT:** “Ọbọñ Jehovah ọdọhọ, ete, Ma uwem mi, mkpa idiọk owo inemke mi esit, edi idiọk owo akam akabare ọkpọñ usuñ esie, ndien odu uwem: mbufo, O ufọk Israel, ekabare, ekabare; Koro nsinam mbufo ekpekpaña?” (Ezekiel 33:11).

#### I Andikpeme Eke Mbon Ekọñ

- 1 Mme owo emek enye ete edi andikpeme-obio mmọ, Ezekiel 33:1, 2
- 2 Owo eke midaha ntọt, iyip esie eyedoro enye ke ibuot, Ezekiel 33:3-5
- 3 Iyip enye emi owo mitọtke eyedoro andikpeme ke ibuot, Ezekiel 33:6

#### II Andikpeme Eke Spirit

- 1 Edi Abasi emek enye ete ọtọt Israel, ke uyo Ọbọñ abaña idiọk-n̄kpọ mmọ, Ezekiel 33:7
- 2 Iyip owo emi andikpeme obio mitọtke eyedoro enye ke ibuot, Ezekiel 33:8
- 3 Iyip owo emi midaha n̄tọt eyedoro enye owo oro ke ibuot, Ezekiel 33:9
- 4 Etiñ esọñọ n̄nen-n̄nen ubiere-ikpe Abasi, Ezekiel 33:10-19
- 5 Ezekiel okut ukpeme emi enọde eti ekpeme obio ye nsobo emi ebetde idiọk andikpeme, Ezekiel 9:1-7; Isaiah 62:1-7
- 6 Kpukpru mme ete ye mme eka edi mme andikpeme nditọ mmọ, Mme N̄ke 22:6; 29:15

### SE EKPEPDE EBAÑA

#### Andikpeme Ke Idaha Utom

“Ami n̄kut udim owo” ekedi mfiori andikpeme emi okodude ke enyọñ edikoñ-ufọk Jezreel. Edidem ọnọ uyo ete, “Sio odoro-horse kiet, dọñ ete aka okosobo ye mmọ, onyuñ obup mme edi ke emem?” Andikpeme ọtọñọ ntak ofri ukorowo. “Isuñ oro omosim mmọ, edi ifiakke.” Ema edọñ ọyọhọ isuñ-utom iba. “Enye omosim mmọ, edi ifiakke: ndien ubin oro ebiet ubin Jehu eyen Nimshi koro ebinde nte idat,” oro edi se andikpeme eketiñde. Edidem ọdọhọ ete, “Tim Chariot.”

Andikpeme ke edikoñ-ufọk esie ke enyọñ ibibene obio ekedi se ndito Israel ekewakde ndikut. Ekewak ndibọp mme obio mmọ ke enyọñ obot man n̄kpọ okubiọñọ andikpeme-obio ndikut se idide.

Nte andikpeme etiede ke itie ukpeme esie ese anyan usuñ, enye ama esitọt mme owo abaña n̄kpọ-ndik eke enye okutde. Mkpa ekedi ufen esie edieke enye edede idap ke ini utom esie ndien etre ndinọ ntọt. Utom esie ekedi akpan utom, n̄ko akwa ubiọñ-utom okodoro enye ke afara. Edieke enye etrede ndinọ ntọt ke ini asua edide, ekeme ndibiat obio esie, ndien ediwak ukpọñ enyuñ etak.

#### Ezekiel, Andikpeme Eke Spirit

Abasi ama owut Ezekiel andikpeme ke enyọñ ibibene, ndien ọdọhọ enye ete ke utom esie edi oro. Idighe mbio obio ekemek enye, edi, edi Abasi ke Idem-Esie, man ọtọt mbio obio, idighe ke abaña n̄kpọ-ndik uwem emi, edi ke abaña nsinsi nsobo emi otode idiọk-n̄kpọ mbio obio. Edieke Ezekiel okpude ke utom esie nditọt mbio-obio, ekenyene ndibup iyip mmọ ke ubọk esie. Ke nditim ntiñ, enye ekpedue isop uwot-owo, idighe ndiwot ikpohidem, edi eke ukpọñ mme owo. Ekedi ata akpan utom ke Abasi akayak esin anditiñ ntiñ-nnim ikọ Esie ke ubọk. Nso idi ntak emi Enye akanamde emi?

“Ọbọñ Jehovah ọdọhọ ete, Ma uwem mi, mkpa idiọk-owo inemke mi esit: edi idiọk owo akam akabare ọkpọñ usuñ esie, ndien odu uwem: mbufo O ufọk Israel, ekabare, ekabare; koro nsinam mbufo ekpekpaña?” “Kpasuk ntre idighe uduak Ete mbufo ke heaven ete kiet ke otu n̄kpri nditọwọñ emi akpatak” (Matthew 18:14). Abasi okokot Jonah ọkọkwọrọ ikọ ọnọ mbon Nineveh. Enye ama ebeñe

saña-saña iyak kiet onim ndida Jonah nsim “idibi-udi” man enye onyime ndika akwa obio oro. Nso ikedi ntak? Enye ama enyene mme ukpõn emi ekewakde ekan 120,000 emi ekanade ebõ ntõt emi.

### **Ubiõn-utom Nditõ Abasi**

Kpukpru nditõ Abasi mfin enyene ubiõn-utom ndida ikõ Abasi nduk ke ofuri ererimbot. Mmõ enyuñ edu ke idak ufen emi Ezekiel okodude, edieke mmõ etrede ndinam utom mmõ. “Ke ekim, ke esien” ekedi ufen owo oro eketrede ndida nda-mmãna enõ esie nnyam urua. Akwa ima Abasi ke abaña mme ukpõn owo, enyik Enye onim ufen eke okponde õõõ mmõ emi esinde ndinam se Abasi õõõõõõ, emi ndusuk ini edinamde ediwak owo etak ke nsobo. Ediwak ikpõ unõmõ oto ke unana edinam item. Nte mme ukpõn ke etetak mfin oto ke unana afo ndinõ ntõt?

### **Eka Ye Ete Nditre Ndinam Ubiõn-Utom Mmõ**

Ediwak mfinã emi otode ndiõ nditõ, oto unana mme ete ye mme eka ndinam utom nte mme andikpeme. “Eto ye item enõ owo eti ibuot: edi eyen eke eyakde enõ idem esie, esin eka esie but” (Mme Ñke 29:15). But enyene ete ye eka eyen emi mikamake “eto item” (Mme Ñke 22:15). Okposuk edi nte nta mme õfiõk usuñ ndikama nditõ ye mmõ eke ekõtde mbe ibuot ewakde, emi iñwamke ndinam eyenõwõn õfõn nte “Ntunõ ye item Qõõn” (Ñwed Mbon Ephesus 6:4). “Tim teme eyenõwõn nte ekemde ye usuñ esie: ke ini enye akabarede idem akani owo, enye idikpõnke enye” (Mme Ñke 22:6).

### **Se Ekutde Eto Edikõn-Ufõk-Ukpeme**

Nte owo ekõn-Christ etiede ke eti itie esie ke enyõn ibibene ese, nso ke enye okut? Idiõk-ñkpõ, ibak, obom ye nsobo nte abiatde isõn. Nte ana enye odop uyo, man obio esie õduõ? Nte enye asuande enyin ese mme ebiet, onyuñ okut udim ekõn andibiõnõ Christ nte edide, nte inaha enye ofri obukpõn? Nte enye esede ñwed onyuñ okut, “Koro nte mme usen Noah ekedide, kpasuk ntre ke eridi Eyen Owo eyenyuñ edi” (Matthew 24:37). Nte inaha enye edemere ede-idap, man enye ebeñe idem?

Ata-eyen Abasi enyene mbiomo ke esit abaña mme ukpõn mmõ emi etakde. Idighe nditõt mme owo ikpõn, edi enye eyire ke akam, ke iso Ebekpo Abasi man mbõm esie osim ererimbot emi atakde. Abasi ama onim ete edi ntem “Mmonim mbon-ukpeme ke enyõn ibibene fo, O Jerusalem, mmõ ididopke uyo baba ke ofuri uwemeyo, ye ke ofuri okoneyo” (Isaiah 62:6). Yak Abasi añwam nnyin ndinam utom nnyin ke ofuri esit!

“Uyo Abasi emi abaña Dumah. Owo etie ke Seir ofiori okot mi, ete, Andikpeme, edi ñkanika ifañ ke okoneyo? Andikpeme edi ñkanika ifañ ke okoneyo? Andikpeme õõõõ, ete, usenubõk ke edi, ye okoneyo ñko” (Isaiah 21:11, 12). Edieke owo Abasi okpokutde okoneyo nte oyomde ndifuk ererimbot ikpõn, ekpekedi ata ndise mfuhõ; edi, “usenubõk ke edi.” Ke usenubõk oro, “Qõõn ke Idem Esie eyeto ke heaven õsuhõre ye mkpo, ye uyo archangel, ye ukorowo Abasi ndien mmõ emi ekpañade ke Christ eyebem iso eset: ndien eyemen nnyin emi idude uwem, emi isuhõre, edõk ye mmõ ke ikpa enyõn man isobo ye Qõõn ke enyõn” (1 Ñwed Thessalonica 4:16, 7).

### **Ukara Christ Ke Tõsin Isua**

Ke Christ ama odu esisit ini ye ikõt Esie ke ofum. Enye eyesuhõre ye ndisana ikõt esie edinim ebekpo ukara Esie ke Jerusalem. Ini oro ke, “edinen ido Esie õwõõ nte uyama, ye erinyaña Esie nte utuenikañ eke asakde” (Isaiah 62:1). “Mbufo emi etide Jehovah ñkpõ, ekutie suñ, ekunyuñ ayak enye etie suñ, tutu enye owuk onyuñ onim Jerusalem ke itoro ke ererimbot.” Nso utõ utibe usen-ubõk ke edidi ke ini oro, “ewuhõ eyeto ke Zion, uyo Jehovah eyenyuñ oto ke Jerusalem” (Micah 4:2). Akpa-utatan eyenyuñ “asiaha ikõn nte rose.” “Ndien mbuñõ eyenek nte edop, edeme imum eyenyuñ õkwõ” (Isaiah 35:1, 6). Nditõ Abasi Uwem, ekunõ Enye nduõk odudu tutu Enye õõõõ akam “Yak Ubõn fo edi; Yak inam uduak fo; Nte enamde ke heaven, yak inam ke isõn kpasuk ntre” (Matthew 6:10).

## Ufɔn Ndime Ime Tutu Osim Akpatre

Nditɔ Israel ema edɔhɔ ete ke usuñ Ọbɔñ inenke. Mmɔ ekeda unen enɔ idem mmɔ ete, sia mme imɔ idide idut emi Abasi ekemekde, ke akpana edidiɔñ Abasi odoro mme imɔ ke idem. Edi Abasi ama etiñ ɔnɔ mmɔ iñwañ-iñwañ ete, “eti ido eti owo idinyañake enye ke usen eke enye eduede: ndien eti owo idikemeke ndidu uwem ke eti ido esie ke usen eke enye eduede. . . Iditihi edinen ido esie baba, . . . Ke ini edinen owo ɔkpɔñde edinen ido esie, onyuñ anamde ukwañ-ñkpɔ, enye eyekpa ke esit” (Ezekiel 33:12, 13, 18). Mme ntɔt emi etim enam añwaña ete ke owo ekeme ndiduɔk ima Abasi ke esit esie onyuñ atak ke enye ama ɔkɔfiɔk usuñ edinen ido ini kiet ko.

Etop emi ye mme etop efen ke ikɔ Abasi ɔnɔ nditɔ Abasi ntɔt ke abaña ufɔn ndika iso nyire “tutu osim akpatre” (Mme Hebrew 3:14).

Okposuk edi ndusuk owo edɔhɔde ete ke owo ama ɔbɔ erinyaña ke enye ikemeke nditak, mme ntɔt emi ye mme ntɔt efen ke ofuri Ñwed Abasi enam nnyin ifiɔk ite ke “eyenyaña owo eke edimede ime tutu osim akpatre” (Matthew 24:13). Mmɔdo yak owo eke esede ete, imɔ imɔsɔnɔ ida ekpeme mbak enye ediduɔ” (1 Ñwed Corinth 10:12).

Yak nnyin ibɔ ntɔt ke idem Saul emi ekedɔhɔde ebaña ete, “Ndien Spirit Jehovah eyeduk fi ke idem, ndien afo eyetiene mmɔ anam prophecy, eyenyuñ akabare edi owo efen” (1 Samuel 10:6). Etiñ enɔ nnyin ete “Abasi akabare esit esie ɔnɔ enye efen” (1 Samuel 10:9). Edi, ke emi ebede, Saul afiak edem ɔkpɔñ Abasi ke usuñ nte edide, “Jehovah ibɔrɔke enye ke ndap, ye ke Urim, ye ke mme prophet” (1 Samuel 28:6). Sia Abasi ama ekesin enye, Saul ama ɔwɔnɔre ebine ñwan emi ekenyenede nsaña ekpo okoyom uñwam oto enye. Ke akpatre Saul owot idem esie, ke ndiduɔ ke eduat esie onyuñ osobɔ Andibot enye nte ukpɔñ nsobo. (Se ke Ezekiel 33:13; John 8:31; 2 Ñwed Timothy 2:10; Mme Hebrew 10:28, 29).

### MME MBUME

- 1 Nso ikedi utom andikpeme ke eyo Ezekiel?
- 2 Mme anie ekesimek andikpeme?
- 3 Nso ikedi ufen edieke andikpeme etrede nditɔt ntɔt?
- 4 Nso ikotibe edieke mbio obio etrede ndibɔ ntɔt?
- 5 Ke didie ke mme utom andikpeme ebiet ikot Ezekiel?
- 6 Idiɔk-owo ekeme didie ndinyene nsinsi uwem?
- 7 Nso ikedi ufen edinen owo ke ini enye anamde idiɔk-ñkpɔ?
- 8 Ini ewe ke Isaiah ibuo 62 etiñ abaña?
- 9 Ke nso usuñ ke mme ete ye eka nditɔ edi mme andikpeme?
- 10 Nso idaha ke Jerusalem edida ke ini ukara Christ ke tɔsin isua ke isɔñ?